



TURISSEM SAVOGNIN BEIVA ALVRA: partenza da stad Ins ò davert la staschung cun igls giasts



A Somtgant on Savognin Penderaras fatg en depot da 25 000 m³ neiv tgi ins ò stumplo ansemen digl anviern passo e mess sot folias per averir ena reserva all'antschatta digl anviern 2018/19.

pb. Sonda passada ò Turissem Savognin anviedo alla partenza da stad. Chegl è chella occurrenza d'infurmaziun tgi ins ò mintgamai avant la staschung. Chest'eda ins ò fatg chella betg angal cun igls purtaders turistics, mabagn er cun igls giasts e possessours da sagondas abitaziuns. Igl resung è sto fitg positiv.

Atgnamaintg ègl gio d'antschatta sto ena bung'idea da far mintgamai ena avertura uffiziala dalla staschung. Chegl capitava mintgamai curt avant l'avertura. Da mez december per la staschung d'anviern ed alla fegn da zarcladour per la stad. Igl senn da chella era da dar principalmaintg vicendevlamaintg agls purtaders turistics ed a lour personal infurmaziuns an connex cun novaziuns. Aint igl turissem ègl enorm impurtant schi la cameriera dad en hotel so dar sen dumonda agls giasts infurmaziuns er sur dallas penderaras, sur digl Parc Ela e sur dad Origen. Aglmanc rudimentar. E gl'è bung schi igl am-

pluia dallas penderaras so consulier agl giast en'ustareia per saveir magler ena tratga speziala.

Digl reminent correspondan chellas infurmaziuns er sur digls oters purtaders ferm ad egna dalla strategias las pi centralas tgi ins ò mess tar Turissem Savognin Beiva Alvra SA agl center: collaborar tant scu pussebel!

Chest onn en meis pi bod

La partenza per l'avertura dalla staschung da stad 2018 è stada en po speziala. Per l'egna è ella stada en meis pi bod tgi igls oters onns. Igl muteiv è tgi ins ò er davert uffizialmaintg la staschung da stad en meis pi bod. Per dar ple muntada alla staschung da stad e per integrar er la premaveira alpina ainten la staschung. Chella staschung tgi è schi fascinonta an ples gros. Gl'è fascinont da veir scu tgi lò noua tgi era anc en meis avant ena grossa cuverta da neiv flureschan ossa las pi belas flours, tshivilitan igls utschels e tarmaglian las muntanelas.

Oter è er sto tgi ins ò betg fatg la Partenza la



seira dad en de tranter l'emda, mabagn sapientivamaintg la sonda siva mezde, uscheia tgi er igls possessours dallas sagonda abitaziuns e giasts possan assister ad chella occurrenza d'infurmaziun. Dasperas igl fatg tgi la Partenza è en arranschamaint public è ena invitaziun persunala er eida er agls commembers dalla famiglia 2020, damais igls possessours da sagondas abitaziuns. Tgi chesta midada corresponda ad en basigns è sa musso sonda passada. Tiers bel'ora e bunas relaziuns per activitads ordafora èn cumpareidas passa 200 persungas. Giasts e purtaders turistics. Uscheia ògl tar igl aperitiv alla fegn dalla partenza er savia dar barats d'infurmaziun directs tranter giasts ed indigens.

Infurmaziuns alla curta

Essend tgi las infurmaziuns tgi igls responsabels on do anavant sonda passada èn gio neidas communitgeidas publicamaintg an connex cun las radunanzas resp. communicaziuns da pressa digls purtaders, lainsa ans restranscher sen igl pi impurtant.

La Partenza è ena occurrenza da Turissem Savognin, l'Uniun da commers e mastirants Surses e da Savognin Pendicularas. Igl bavegna ò fatg Roberto Guetg, commember digl consegl d'administraziun da Turissem Savognin Beiva Alvra SA e represchentant dall'Uniun da commers a mastirants. El ò menziuno tgi la societad acziunara per igl turissem seia activa a parteir digl 1. matg ed er declaro tge gremis tgi èn responsabels e scu tgi las structuradas duessan funcziunar.

Tanja Amacher è repassada curtamaintg las tgossas principalas dalla staschung d'anviern passada. A Beiva ins vegia gia chest anviern en fotopoint. Ins seia sto preschaint ansemen cun igl Parc Ela a Turitg; tar ena occurrenza da promoziun turistica. I dat gio en film dad «image» per la stad dalla destinaziun. Ossa duess neir fatg er egn per igl anviern.

Puspe vign reintroduceida la gotta turistica, en premi da rancunaschientscha per bunas prestaziuns. Total dattigl da gudagner 9000.

fr. ed 850 cartas da valutaziun seian gio antradas.

La stad 2018 ò er gio pront las sias occurrenzas cun la festa agl lai digls 7 da fanadour, igls 15/15 da fanadour la festa d'unfants ÖKK, igls 4 d'avost igl de d'excursiun cun la Südostschweiz, igls 5 d'avost la festa dalla crappa a Beiva ed igls 6 d'otgover la festa d'otgover a Tignas. Ena tgossas tot spezial è gio igls 24 da zarcladour, numadamaintg ena show da sgol cun utschels da rapina. Ed ensatge total nov, tgi ins pò lascher sgular els.

Ins ò fatg en depot da neiv

Ancunachaintamaintg ò Turissem Savognin surdo igl marketing a Grischun vacanzas per saveir profitar pi bagn dalla professionalitad ed aveir duple efficienza. Damais daples giasts. Flavio Godenzi da Grischun vacanzas è chel tgi è intermediader tranter Grischun vacanzas e Turissem Savognin. El ò declaro scu tgi chegl funcziunga: la supranza da Turissem Savognin SA decida las strategias ed en team da Grischun vacanzas elaborescha propostas. Da nov tar chel team è er an indigena, numadamaintg Lorena Cadotsch da Savognin. I geia ossa er per metter an scena pi ferm igl aton. Ena staschung zont attractiva. En highlight per la stad 2018 vei Flavio Godenzi tar la Customer Journey. Ena campagna cun animals da plisch per unfants è agl center. Scu impurtant ins vei er da sutigneir igls purtaders turistics ainten la regiun sen la veia dalla digitalisaziun.

Chrisoph Passecker, igl manader d'administraziun tar Savognin Pendicularas ò punctuo tgi ins vegia davert igls indrezs da transport ainten las muntognas gio las fegns d'emda digls zarcladour ed alloura anfignen igls 21 d'otgover mintga de.

Tar las pendicularas ins ò er fatg en'amprova. A Somtgant ins ò siva la fegn dalla staschung d'anviern stumplo ansemen 25 000 m³ neiv. Per part neiv artificiala e per part neiv naturala. Ins ò cuvert chellas cun diversas folias tgi reflecteschon d'ena vart igl tgod digl suglegl e da l'otra vart schurmegian la neiv cun-



ter igl tgod. Tenor experientschas fatgas ves-san da rstar 60% – 80%. Cotras ins less gio aveir ena tscherta reserva per igl anvien.

Tera culinaria

«I dat grond potenzial ainten l'agricultura cun igls pi divers products», ò managea Nina Conrad digl Parc Ela, nummond las sias activtads per la stad. Ainten ena retscha d'excursiuns mingamai la mesemda siva mezde vignan chels products e lour elaboraziun preschentos agl li.

Cun igl tetel «Aton selvadi» ins vot confrontar igls giasts igls 7 d'otgover ad Alvagni cun la tgatscha grischuna e la raccolta da chella. Ena organisaziun nova è Anim. Igl iniziants on declaro lour intensiuns cun accompagner igl carstgang cun bunas ideias an direcziun dalla midada dalla scocietad e dalla digitalisaziun. Ins less esser an barat cun la val e tendescha da sa fucisar puspe sen chegl tgi è communabel. Ins vigna er stumplo en gnoul digl vent frestg tgi rigia igl mument ainten la val cun igls divers projects.

Jan Malär dalla «Bergsportschule Grischa» ò er preschento l'antiera purscheida digl sies team per stad ed anvien ed igls divers giaveischs digls giasts an relaziun cun igl alpinissem.

Egna dallas purscheidas las pi exclusivas durant la stad ainten la regiun è l'antiera paletta da producciuns antras igl Festival Cultural Origen. Maria-Theresa Steinocher ò angal resumo curtamaintg tge tgi capeta ainten igls divers lis. En tema central sen la tor digl Geligia è igl solt e chegl an relaziun digl Grischun e la Russia avant la revoluziun. Ensatge spezial vign er ad esser igl li liber a Riom. Ma i dat anc tantas tgossas per tot igls interess culturals e detagls in pò veir sen la pagina d'internet dad Origen «www.origen.ch». Er la comedia vign ad esser preschainta. Chesta stad er cuagl tema Russia e la dumang allas 05.30 è puspe igl Laudes ainten la baselgia carolinga da Mistail.

Er durant la stad 2018 è lapurscheida turistica ainten la regiun fitg gronda.